

Parc Cenedlaethol Bannau Brycheiniog

Cynllun

Pasport Cronfeydd Dŵr

Bannau Brycheiniog



splash

Water Recreation Challenge Fund for Wales



Croeso i gronfeydd Dŵr Cymru yn y Parc Cenedlaethol

Y Cynllun Pasport

Mae Awdurdod Parc Cenedlaethol Bannau Brycheiniog (APCBB) a Dŵr Cymru Cyfyngedig, yn masnachu fel Dŵr Cymru Welsh Water (DCWW), mewn cydweithrediad â Grŵp Darparwyr Gweithgareddau Awyr Agored De Cymru (SWOAPG), wedi trefnu'r Cynllun Pasport (y Cynllun) i alluogi grwpiau a drefnwyd, y bydd llawer ohonynt yn aelodau o SWOAPG, i gael mynediad at y cronfeydd dŵr canlynol ar gyfer canwio a chaiacio - Cronfeydd Dŵr Pontsticill, Pentwyn, Wysg a'r Bannau (gweler y mapiau a ddarparwyd). Mae APCBB yn gweinyddu'r Cynllun. Dylid cyflwyno unrhyw ymholiadau, ceisiadau neu syniadau i Bencadlys APCBB yn Aberhonddu. Bydd deiliad Pasport yn cael gwybod am unrhyw newidiadau iddo.

Peilot blwyddyn oedd y Cynllun i ddechrau (2013) Er mwyn i'r Cynllun lwyddo a phara am gyfnod hir, mae'n hanfodol bod deiliaid Pasport yn cadw at delerau'r Cynllun fel y manylwyd arnynt yn y ddogfen hon. Trwy lofnodi'r Cytundeb Trwyddedu rydych yn cytuno i gadw at delerau'r Cynllun fel petaent yn cael eu hail-adrodd yn y Cytundeb Trwyddedu.

Mannau Lansio a Glanio

Mae'r cronfeydd dŵr yn fwy peryglus na llynnoedd naturiol a rhaid bod yn ofalus wrth eu defnyddio. Maent yn strwythurau o waith dyn i storio a chyflenwi dŵr ac maent yn cynnwys cyfarpar uwchben y dŵr ac o dan y dŵr. Ac eithrio mewn argyfwng, defnyddiwch y manau lansio a glanio a ddangosir ar y mapiau o'r cronfeydd dŵr yn unig. Mae arwyddion yn nodi'r rhain ar lan y llyn.

Parcio

Gofynnir i grwpiau sy'n dal Pasport ddangos parch tuag at ddefnyddwyr eraill y meysydd parcio trwy barcio yn ofalus ac yn ystyriol. Dylai arweinydd y grŵp wirio am sbwriel ac eiddo coll cyn gadael y safle. Mae'r mapiau o'r cronfeydd dŵr yn dangos yr ardaloedd parcio cymeradwy. Rhaid arddangos y Pasport mewn lle gweladwy y tu mewn i ffenestr flaen cerbyd y grŵp.

Maint y Grŵp a Nifer y Cychod

Ni chaniateir i grwpiau gynnwys mwy na 12 unigolyn, naill ai mewn canwau agored neu gaiacau, ynghyd â'r staff hyfforddi sydd eu hangen ar y diwrnod hwnnw.

Mae'r Pasport yn awdurdodi'r deiliad i fynd ag un grŵp ar un gronfa ddŵr ar unrhyw adeg. Bydd hyd at 15 cwch yn cael eu defnyddio ar gyfer pob un grŵp. Bydd angen Pasport ar wahân a ffi ar gyfer pob grŵp, felly os bydd 2 grŵp o'r un ganolfan/busnes/clwb/grŵp yn defnyddio'r cronfeydd dŵr ar yr un diwrnod, yna bydd angen 2 Pasport.

Diogelwch y Grŵp

Mae pob grŵp yn gyfrifol am ei ddiogelwch ei hun a dylent fod yn gallu dangos, os bydd gofyn, bod risgiau'n cael eu rheoli yn briodol. Bydd hyn yn cynnwys bod dan arweiniad hyfforddwyr canw a chaiac profiadol sy'n meddu ar y cymwysterau addas sy'n gallu ymateb ar frys dan unrhyw amodau cyffredinol. Bydd pob canw a chaiac yn addas i'r diben ac yn hollol nofiadwy pan fyddant yn llawn dŵr.

Bydd pawb sy'n defnyddio canw a chaiac yn gwisgo cyfarpar diogelwch personol yn unol ag ymarfer da cyfredol. Ni chaniateir cychod diogelwch â moduron. Rhaid i bod arweinydd feddu ar dystysgrif Cymorth Cyntaf cyfredol. Yn aml bydd gan grwpiau drwydded AALS. Ar gyfer clybiau, grwpiau addysgol a gwirfoddol nad ydynt o fewn cwmpas AALS, bydd angen i'r ymgeisydd ddangos tystiolaeth o reoli risg addas a phrofiad o arwain grwpiau sy'n bodloni APCBB.

Ansawdd Dŵr


Ac eithrio troi cychod drosodd yn annisgwyl neu hyfforddiant hanfodol, ni chaniateir nofio a gweithgareddau ymdrochi bwriadol. Dylai deiliaid Pasport wneud pob ymdrech i gynnal ansawdd da'r dŵr. Dylid gwneud trefniadau toiled addas gan ddefnyddio cyfleusterau priodol ymhell o'r dalgylch dŵr - mae'r mapiau o'r cronfeydd dŵr yn dangos y toiledau agosaf.

Cŵn

Er budd diogelwch y cyhoedd, nid yw DCWW yn caniatáu i gŵn ddod ar safleoedd y cronfeydd dŵr oherwydd eu bod yn cael eu defnyddio fel cyflenwadau dŵr yfed.

Rhywogaethau Ymledol a Threfniadau Rheoli Biolegol

Rhaid gwneud pob ymdrech rhesymol i gyfyngu'r



posibilrwydd o drosglwyddo organeddau niweidiol i'r cronfeydd dŵr oherwydd eu bod yn cael eu defnyddio fel cyflenwadau dŵr yfed. Rhaid i gychod a chyfarpar sy'n dod yma o ddyfrffyrdd eraill gael eu gwirio, eu glanhau a'u sychu yn drwyadl. Gwelwch yr adran 'Check, Clean and Dry' yn www.nonnativespecies.org

Bydd hyn yn cyfyngu ar ledaeniad tebygol organeddau fel Cregyn Gleision Rhesog a Berdys Ffyrnig a Chimychiaid Signal sy'n achosi problemau enfawr i rywogaethau brodorol ac isadeiledd y cronfeydd dŵr. Os yw'ch cychod wedi cael eu defnyddio mewn ardal a fu'n 'heintiedig' yn y gorffennol (e.e. Bae Caerdydd neu Eglwys Nunydd), mae'n rhaid i chi gysylltu â Richard Poole (ffôn 01495 769281) yn DCWW i gael cyngor cyn mynd â chychod ar y cronfeydd dŵr.

Yslafan Algaidd

Efallai y bydd ardaloedd yn cynnwys yslafan algaidd sy'n gallu bod yn wenwynig ac yn llidus a dylech gadw draw o'r rhain.

Nentydd

Gofynnir i'r rheiny sy'n defnyddio canŵ gadw ymhell o nentydd sy'n llifo i mewn i'r cronfeydd dŵr yn ystod y tymor bwrw'r grawn (Tachwedd - Ionawr) a phan mae pysgotwyr yn defnyddio'r lleoliadau (dethol) hyn.

Ardaloedd gwaharddedig

Ni chaniateir mynediad at ardaloedd penodol o bob cronfa ddŵr - fel y dangosir ar y mapiau o'r cronfeydd dŵr. Mae'r rhain yn cynnwys:

Ardaloedd gwaharddedig er diogelwch - ardaloedd o amgylch argaeau, gorlifannau ac isadeileddau a fydd yn cael eu nodi â **bwiau coch**.

Ardaloedd gwaharddedig er cadwraeth - ardaloedd sy'n cael eu cadw ar gyfer bywyd gwyllt - a fydd yn cael eu nodi â **bwiau gwyrdd**.

Mannau a rennir

Yn draddodiadol mae'r cronfeydd dŵr yn cael eu defnyddio ar gyfer pysgota ac mae Pontsticill yn cael ei defnyddio ar gyfer hwylio hefyd. Mae'n hanfodol bod ardal y dŵr yn cael ei rannu heb wrthdaro. Gofynnir i ddeiliaid Pasport barchu defnyddwyr eraill fel na fydd gwrthdaro rhwng defnyddwyr yn bygwth dyfodol y Cynllun.

Mae gan Glwb Hwyllo Merthyr brydles ar gyfer hwylio ym Mhontsticill ac ni chaniateir i ganwio a chaiacio effeithio ar eu gweithgareddau - cadwch ymhell i ffwrdd o gychod rasio.

Gwirio Pasport a Gorfodi'r Cynllun

Bydd Ceidwaid DCWW yn goruchwyllo'r Cynllun â help gan staff APCBB. Dylech gydweithio â'u ceisiadau a chyfarwyddiadau. Ni ddylai grwpiau ddefnyddio'r cronfeydd dŵr oni bai bod ganddynt Basport dilys y mae'n rhaid iddo fod ar gael ar gais, ac yn weladwy yn ffenestr flaen prif gerbyd y grŵp. Pan na fydd grŵp yn cadw at delerau'r Pasport, yna mae DCWW yn cadw'r hawl i derfynu Pasport y grŵp heb rybudd, os felly ni fydd y ffi gais am aelodaeth yn cael ei had-dalu. Gan ddibynnu ar ba mor ddifrifol y torrwyd y telerau, efallai y bydd rhybudd yn cael ei roi fel dewis amgen i derfynu Pasport fel ymateb cyntaf.

Côd Ymddygiad

Rhaid i ddeiliaid Pasport a'u grwpiau ddilyn y Cod Glannau Dŵr Cenedlaethol - sydd ar gael oddi wrth APCBB neu Cyfoeth Naturiol Cymru (CNC). Bydd copi yn cael ei gynnwys â'ch Pasport os bydd eich cais i Gynllun Pasport Cronfeydd Dŵr Bannau Brycheiniog yn llwyddiannus. Rhaid i ddeiliaid pasport gydymffurfio ag unrhyw is-ddeddfau perthnasol - mae'r rhain ar gael ar gyfer cronfeydd dŵr penodol oddi wrth DCWW ac maent hefyd wedi'u harddangos yn y cronfeydd dŵr perthnasol.

Cau Cronfeydd Dŵr

Gall cronfeydd dŵr gael eu gwahardd dros dro am resymau'n ymwneud â diogelwch a rhesymau gweithredol. Rhoddir gwybod am hyn ar www.breconbeacons.org a chewch eich hysbysu ar system e-bostio Rhybuddion SWOAPG. Gosodir arwyddion gan DCWW wrth fannau lansio'r cronfeydd dŵr i hysbysu defnyddwyr pan fyddant ar gau.



Llenwch y ffurflen isod:

Pasport Cronfeydd Dŵr Bannau Brycheiniog

FFURFLEN GAIS

Enw eich sefydliad:

Aelod SWOAPG:

Cyfeiriad:

Ffôn:

Ffôn symudol:

Ebost:

Unigolyn cyswllt a'i swydd yn y sefydliad:

A gynhyrchwyd asesiadau risg: Do / Naddo
Atodwch yr Asesiad(au) risg

Trwydded AALS (*) yn cwmpasu canwio a/neu gaiacio
Oes / Nac oes

(*)Atodwch gopi, neu darparwch achrediad amgen os nad yw AALS yn berthnasol e.e. Clwb Canwio os felly mae aelodaeth Canoe Wales/ BCU neu glwb cyfwerth yn briodol, â manylion rheolaeth risg, cymwysterau a phrofiad arweinwyr os nad yw AALS yn berthnasol.

Tâl wedi'i gynnwys (rhochwch gylch o amgylch y swm priodol):

Un Pasport blwyddyn: £150
Dau Pasport blwyddyn: £190
Pasport 7 Diwrnod: £70

Sieciau yn daladwy i:
Awdurdod Parc Cenedlaethol Bannau Brycheiniog

Yswiriant Atebolrwydd Cyhoeddus (o leiaf £5 miliwn)
Atodwch gopi: Do / Naddo

Rhif y Dystysgrif.

Manylion yr Yswirwyr:

Rwy'n cytuno i delerau'r Cynllun Pasport fel y manylwyd arnynt yn y ddogfen hon.

Llofnod:

Enw mewn priflythrennau:

Swydd:

Dyddiad:

Dychwelwch y ffurflen wedi'i llenwi a'r tâl i:

Cynllun Pasport Cronfeydd Dŵr Bannau Brycheiniog,
Awdurdod Parc Cenedlaethol Bannau Brycheiniog, Plas y Ffynnon, Ffordd Cambrian, Aberhonddu, Powys. LD3 7HP.

Gwneud Cais am Basport Cronfeydd Dŵr Bannau Brycheiniog

Mae'r Cynllun ar gael i aelodau Grŵp Darparwyr Gweithgareddau Awyr Agored De Cymru (SWOAPG) ymhlith unigolion eraill.

Mae aelodaeth SWOAPG ar gael i fusnesau sy'n darparu gweithgareddau, canolfannau addysg awyr agored a chlybiau canw a chaiac a grwpiau addysg. Ar hyn o bryd ni chodir tâl am aelodaeth SWOAPG. Bydd y Pasport llawn yn para am gyfnod 12 mis o 1af Ebrill 2022 hyd 31ain Mawrth 2023 a bydd yn berthnasol i bob cronfa ddŵr yn y Cynllun

Defnyddwyr Achlysurol

Ar gyfer defnyddwyr achlysurol, mae **Pasport 7 Diwrnod** ar gael unwaith bob blwyddyn - ni fydd ail Basport ar gael yn ystod yr un flwyddyn. **Rhaid i ddeiliad Pasport 7 Diwrnod hysbysu Awdurdod Parc Cenedlaethol Bannau Brycheiniog cyn pob achlysur pan ddefnyddir y Pasport (i fyny at uchafswm o 7 diwrnod).** Bydd nifer y diwrnodau a ddefnyddir yn cael ei cofnodi gan Dŵr Cymru. Bydd cam-drin yr opsiwn yma yn arwain at waharddiad awtomatig o'r cynllun. Cysylltwch â Awdurdod Parc Cenedlaethol Bannau Brycheiniog: 01874 620464.

Ffi'r Pasport

Y tâl am un Pasport ar gyfer un grŵp am gyfnod o flwyddyn yw **£150** neu **£190** ar gyfer dau Basport. Bydd y Pasport yn ddilys o'r 1af o Ebrill 2022 i'r 31ain o Fawrth 2023 I ymgeisydd sydd yn ymaelodi â'r cynllun am Basport 7 Diwrnod, bydd ffi weinyddu o **£70** yn daladwy a fydd a para am hyd at 7 diwrnod. Os bydd DCWW yn penderfynu terfynu'r Cynllun, bydd ad-daliad priodol yn cael ei wneud, oni bai bod y terfyniad yn digwydd oherwydd bod ymgeisydd wedi torri unrhyw un o delerau'r Cytundeb Trwydded a/neu'r Cynllun.

Yswiriant Atebolrwydd Cyhoeddus

Rhaid i'r ymgeisydd ddangos tystiolaeth o yswiriant Atebolrwydd Cyhoeddus o £5 miliwn o leiaf ar gyfer y gweithgaredd arfaethedig. Mae'r sefydliad sy'n ddarparwr (e.e. clwb, canolfan, grŵp ysgol neu fusnes) yn gyfrifol am ddiogelwch ei weithgareddau a'r bobl sy'n cymryd rhan ynddynt.

Asesiad Risg

Rhaid cynnal asesiad risg ffurfiol ar gyfer gweithgareddau canwio a chaiacio. Bydd DCWW yn sicrhau bod ei asesiadau risg o'r safleoedd ar gael - gellir gweld y rhain ym Mhencadlys APCBB yn Aberhonddu. Rhaid i'r ymgeisydd asesu risg gweithgareddau ar gyfer diogelwch personol a diogelwch y grŵp ac ansawdd dŵr a rheolaeth rhywogaethau ymledol. Rhaid cyflwyno copi o'r asesiad(au) risg gyda'r cais am y Pasport.

